

FOND "BOSNIJACI" SARAJEVO

Datum primanja	27.09.2013.
Sa priloga	
Broj	327-893/13

ALADŽA DŽAMIJA LJEPOTICA BALKANA

Šarenom te zvaše stotinama godina
zbog tvoje iznimne ljepote,
posebnosti,
onog zbog čega si
drugima bila uzor.

Drina je tamo gdje je i bila.
Njen žubor čuješ i sada,
ali tebe na onom starom mjestu nema.
Zbog dušmana, ljudi bez duše i srca.

Ubiše te jer si lijepa bila.
Najljepša od svih
tvoja je munara, tvoj mihrab
i šadrvan,
i tvoja česma u avlijskom zidu.

Prkosila si stoljećima
lijepa i ponosna.
Raniše te, porušiše svaki tvoj dio,
ali ne i dušu tvoju.
Drina je još zna,
osjeti je,
i bez nje ne može.
Ni Foča nije Foča bez tebe.

Dobri će te ljudi vratiti.
Čuvati za nas mlade,
za nas koji ne znamo mrziti,
koji imamo razum i srce,
koji znamo voljeti.

Najljepša ćeš biti opet.
I svaki tvoj dio jednako tako
prkosit će vremenu.
Ustrajno i ponosno.

Bit ćeš opet bosanska ljepotica,
najljepša među lijepima.
Sa dušom svojom
i nijetom dobrim
da u svoje skute
primiš nas dobre ljude
da u okrilju tvome
Gospodaru na sedždu padamo.

Emir Pašagić
JU O.Š. "HARMANI-1"
BIHAĆ
jerončići,
RUAD MARIC